



COMUNA DE ORTZAI

C.su V. Emanuele, 23 – 08020 ORTZAI (Nu) - tel. 0784-55001, 55246; fax 0784.55170
e-mail: comuneolzai@tiscali.it - web www.comune.olzai.nu.it

UFÌTZIU DE SA LIMBA SARDA



Nuoro, 30 ottobre 2015 - sede ISRE. Il sindaco di Olzai Ester Satta (al centro), con la direttrice Cristiana Collu e il presidente dell'Isre Bruno Murgia

ORTZAI. Sa gestione de sa domo museo e da sa pinacoteca dedicada a Carmelo Floris, paris a sa gestione de su mulinu antigu in su Riu Bisine est colada in manos a s'Isre de Nùgoro.

Dae eris, est comintzada sa collaboratzione intre s'Istituto Regionale Etnogràficu e sa Comuna de Ortzai, chi at a cunsistere in s'amministratzione de su patrimòniu museale de proprietade de sa Comuna.

Sa conventzione – firmada chenàbura colada in Nùgoro dae su Sìndigu de Ortzai Ester Satta e dae sa ormai ex diretora de s'Isre Cristiana Collu, a sa presèntzia de Bruno Murgia presidente de su matessi Istituto (abaida sa foto) e dae su consigieri de amministratzione Gian Paolo Mele – chi previdit su cunferientu a s'Istituto regionale sa direzione artistica de sa domo museo e de sa pinacolteca comunale intitulada a su pitore e intzisore Carmelo Floris e de s'antigu mulinu idràulicu in su riu Bisine.

A s'àtera ala, sa Comuna de Ortzai s'impinnat a dare sa collaboratzione sua a s'Isre, ponende a disponimentu sas cumpetenzias traditzionales locales in occasione de laboratòrios didàticos promòvidos dae s'Istituto matessi, comente su carrasegare, s'agro-alimentare, sas culturas costrutivas, ma finas su de

prestare sas òperas e sos benes museales in ocasiones de eventos e manifestatziones promòvidas dae s'Isre in s'àmbitu de sas finalidades de salvaguardia de sos patrimònios culturales.

S'Isre ponet a disponimentu de sa Comuna de Ortzai, non petzi sa direzione artistica e iscientifica, ma finas una figura professionale cualificada, comente a nàrrere unu assistente tènicu museale pro urgentes traballos de manutentzione in su museo Floris e in su Mulinu idràulicu.

Sa firma de s'acordu de cullaboratzione retzìproca intre s'Isre e sa Comuna de Ortzai rapresentat unu puntu de importu mannu de s'atzione polìtica sighida dae s'Aministratzione comunale guidata dae su Sìndigu Ester Satta e dae sas Assessoras Claudia Meloni e Luciana Siotto, mescamente pro su chi pertocat su caminu sighidu dae sa Giunta pro otènnere s'iscrittione in s'albu regionale de sas istruturas museales de sa bidda a sos sensos de sa Lege regionale n.14/2006, condizione chi non podet mancare pro pòdere partetzipare a sos bandos e finantziamentos pùblicos.

Sa majoria – chi oe governat sa Comuna de Ortzai dae su mese de lampadas coladu – faghet bìdere chi si podent sighire polìticas de collaboratzine in sa gestione de sos sistemas museales territoriales, de cuntinentu e ratzionalizatzione de sas ispesas pùblicas e de s'impreu a su mezus de sas risorsas umanas e profesionalidades chi giai sunt presentes in sa bidda de Ortzai, in su territòriu de sa Barbàgia e de sa provìntzia de Nùgoro.

"In antis de comintzare sas protzeduras de s'apaltu nou pro sa gestione de sa manutentzione de foras de sos servìtzios museales locales – narat su Sìndigu Ester Satta – sa Giunta comunale at su dovere de chircare cale si siat forma de acordu, collaboratzione e suportu de entes e istitutziones cualificadas in su territòriu, pro otènnere rispàrmiu in sos custos de gestione, garantire sa calidade de sos allestimentos, de sos servìtzios e de sos istandard de livellos mìnimos de impreu de su patrimòniu museale nostru, gasi comente istabilidu dae sa L.R. n. 14/2006. Un'abertura a s'esternu e unu diàlogu costrutivu cun entes e istitutziones autorevoles, comente s'Isre, non podet che batire benefìtzios a sa comunidade nostra- sighet su Sìndigu Ester Satta - , in termines de s'offerta culturale. Amus bisòngiu non petzi de istruturas museales bellas, prontas a retzire sa gente (comente una pinacolteca noa), ma amus bisòngiu finas de profesionalidades giustas, de progetos e iniziatives cualificadas, pro nche pòdere pònnere sa bidda de Ortzai in unu tzircùitu turìsticu esigente e de livellu artu.

S'acordu firmadu cun s'Isre nos daet finas sa possibilitade de àere a disponimentu de sa Comuna de Ortzai finas unu manutentore e assistente tènicu museale, in sa persone de Pietro Oleda, chi podet bantare un'esperientzia de prus de bint'annos in su setore e chi at a bènnere cramadu a collaborare in sas diferentes iniziatives culturales sighidas dae s'Aministratzione comunale, mescamente in ocasiones de mostras e laboratòrios.

So prus che cuntenta e orgogliosa de àere firmadu custa conventzione cun s'Isre. Unu risultadu chi amus apidu a pustis de petzi chimbe meses dae

s'ingarrigu de S`indigu- agabat Ester Satta – grazias finas a sa disponibilidade e sensibilidade dimustrada dae sos dirigentes de s'Isre e in manera particolare dae sa Dutora Cristiana Collu e dae su Cons`igiu de Aministratzione chi faghet capu a su Dutore Bruno Murgia, chi andant unu grazias particolare dae totu sa comunidade ortzaesa".